

Tahan'ireo voatily tsy voa anaty fitiliana

Ny tanjona eto dia handrefy ny fivoaran'ny tahan'ireo voatily tsy voa (rate of negative results, antsoina eto hoe Taha-tsv) hoan'i Madagasikara. Hita fa manaraka ny zava-misy ny fiovan'io taha io kanefa hita ho ambany ny ao Madagasikara oharina @ ao Kenya. Voafetra ho 3 hatramin'ny 36 eo ny salan'isan'ny voa hovoatily arakarak'io taha io raha toa ka 300 ny fetran'ny voka-pitiliana azo omena isan'andro

Antontan'isa ao Madagasikara : aseho an-tsary etsy ambany 1.

Isan'ireo fitiliana isan'andro : eo anelanelan'ny 18/3/20 hatramin'ny 24/4/20 dia antontan'isa azo mivantana t@ CCO [1] ary manomboka ny 25/4/20 hatramin'ny 11/5/20 dia azo tamin'ny TVM. Ireo isa hoan'ny 08/5/20 sy 09/5/20 dia tsy ananana ka notombonana. Misy tsy miady ireo isan'ny fitiliana hita tamin'ny TVM hoan'ny 06/5/20 sy 11/5/20.

Isan'ireo voa voatily isan'andro : eo anelanelan'ny 18/3/20 hatramin'ny 24/4/20 dia antontan'isa azo mivantana t@ CCO ary manomboka ny 25/4/20 hatramin'ny 11/5/20 dia azo tamin'ny TVM. Ireo isa hoan'ny 07/5/20 sy 08/5/20 dia tsy ananana ka notombanana.

Isan'ny tsy voa voatily isan'andro : nalaina tamin'ireo antontan'isa roa ambony ireo. Misy tsy miady ireo isa omen'ny CCO [1] eo anelanelan'ny 16/4/20 hatramin'ny 24/4/20?

Vokatra azo avy amin'ny sary 1:

Vanin'andro	Andro	Toetoetra	Fitiliana vita	Voa voatily	Salan'isa Taha-tsv
18/3/20 - 24/3/20	7	tranga voalohandohany	606	19	96,86%
25/3/20 - 01/4/20	8	fitiliana faobe Antananarivo	1034	40	96,13%
02/4/20 - 08/4/20	7	misy laoniny	300	35	88,33%
09/4/20 - 18/4/20	10	fitiliana 2 avo heny @ normaly fa niverina niandalana @ laoniny	624	27	95,67%
19/4/20 - 29/4/20	11	fitilitana niaka-nidina vitsy ireo voa voatily	546	9	98,90%
30/4/20 - 11/5/20	12	misy laoniny vaovao fitiliana faobe Toamasina	1400	58	95,87%

Tabilao 1: Fivoarana ankapobeny ny fitiliana ao Madagasikara

Fanamarihana:

F1 . Miankina @ fizarana ireo vanin'andro ny taha-tsv nomena. Noho izany dia azo fantarina tsara kokoa io taha io raha fantatra kokoa ny hizarana ireo vanin'andro.

F2 . Azo atsaraina araky ny zava-nisy marina ve ny fizarana ireo vanin'andro? Ohatra inona no nitranga teo anelanelan'ny fitiliana faobe Tana sy Toamasina?

F3 . Raha ny fizarana vanin'andro natao dia hita fa:

- miakatra ny taha raha miha-maroko sady faobe ny fitiliana atao;
- ny taha hita hoan'ny vanin'andro 19/4/20 - 29/4/20 dia tsy azo atao modely satria miovaova loatra ny isan'ny fitiliana teo;
- ny fomba fitiliana tamin'ny 02/4/20 - 08/4/20, ny fampitomboana fitiliana tamin'ny 09/4/20 - 18/4/20, ary ny fomba fitiliana faobe hoan'ny 30/4/20 - 11/5/20 no azo atao fenitra hanatsarana ireo fitiliana manaraka.

- misy tranga azo heverina raha voafetra ho 300 fitiliana isan'andro eo no fahafahana ao Madagasikara:

Tranga	Taha-tsv	fitiliana isan'andro	Salan'isan'ny voa voatily isan'andro
Tranga 1	88,33%	300	35-36
Tranga 2	95,87%	300	12-13
Tranga 3	98,90%	300	3-4

Tabilao 2: Tranga vitsivitsy

Fampitahana amin'ny tranga ao Kenya:

Antontan'isa ao Kenya : aseho an-tsary etsy ambany 2 hoan'ny vanim-potoana 13/3/20 hatramin'ny 9/5/20.

Isan'ireo fitiliana isan'andro : Andro folo mahery no nahazoana antontan'isa eto [2] fa notombanana ireo isa amin'ny andro hafa

Isan'ireo voa voatily isan'andro : Tsy misy banga ny antontan'isa azo eto ??.

Isan'ny tsy voa voatily isan'andro : nalaina tamin'ireo antontan'isa roa ambony ireo.

Vokatra azo avy amin'ny sary 2:

Vanin'andro	Toetoetra	Fitiliana vita	Voa voatily	Salan'isa Taha-tsv
13/3/20 - 23/3/20	tranga voalohandohany 132 fitiliana anaty 5 andro	132 eo	16	94,31%
24/3/20 - 01/4/20	300-360 no fetran'ny fitiliana/andro	2970 eo	65	97,81%
02/4/20 - 11/4/20	600 no fetran'ny fitiliana/andro 2400 fitiliana eo anaty 5 andro	4286 eo	110	97,43%
12/4/20 - 20/4/20	fetran'ny fitiliana/andro ≥ 700 efa nahatratra 1115	7194	90	98,74%
21/4/20 - 01/5/20	6123 fitiliana anaty 7 andro	7825	130	98,33%
02/2/20 - 9/5/20	miparitaka @ tanàna ireo fitiliana faobe 100, 500 hatr@ 800 fitiliana/andro.tanàna	9339	238	97,45%

Tabilao 3: Fivoarana ankapobeny hoan'ny ao Kenya

Vokatry ny fampitahana amin'ny ao Kenya:

Mahomby kokoa ny fomba fitiliana ao Madagasikara raha oharina amin'i Kenya raha ny taha tsy fahitana voa anaty fitiliana no handrefesana azy. Mihoatry ny 97,43% eo ny taha ao Kenya taorian'ireo tranga

voalohandohany raha toa ka 88,33% hatramin'ny 95,87% ny ao Madagasikara raha amin'ny vanin'andro normaly.

Ny fisian'ireo fitiliana faobe, mihoatry ny 700 isan'andro, dia mety mampiakatra ny taha tsy fahitana raha jerena @ vanin'andro 12/4/20 - 20/4/20 hoan'ny ao Kenya. Betsaka kokoa ireo olona tsy voafantina atao fitiliana faobe oharina amin'ny fitiliana voafantina ka izay koa no manazava io fiakarana taha io raha ny fanamarihana azo.

Rehefa miparitaka amin'ny tanàna maromaro anefa ny fanatanterahana ny fitiliana faobe dia mihena io taha io raha jerena @ vanin'andro 02/2/20 - 9/5/20 hoan'ny ao Kenya.

Ireto misy tranga vitsivitsy azo heverina hoan'i Madagasikara miainga amin'ny fampitahana mifanaraka @ vanin'andro 02/4/20 - 11/4/20 sy 02/2/20 - 9/5/20 tao Kenya:

Tranga	Taha-tsv	fitiliana isan'andro	Salan'isan'ny voa voatily isan'andro
Tranga 1	97,43%	600	15-16
Tranga 2	97,45%	600	15-16


Tabilao 4: Tranga tombana avy amin'ny fampitahana

Izany hoe raha mahavita fitiliana 600 isan'andro eo ny ao Madagasikara ary manodidina ny 97,43% ny taha tsy fahitana dia ho 15-16 ny salan'isan'ireo voa voatily isan'andro anaty ny vanin'andro mifanaraka amin'io taha io.


Mahasedra, naoty t@ 12/5/2020.

Lahatsoratra fameno


- [1] Ivotoera-pibaikoana malagasy (CCO) momba ny ady amin'ny Covid-19. *Data ilaina*. Mey 2020.
- [2] Tranokala momba ny fivoaran'ny Covid-19 ao Kenya, <https://www.kenyans.co.ke/>.




Sary 1: Fivoaran'ny fitiliana ao Madagasikara



Sary 2: Tombana momba ny fivoaran'ny fitiliana ao Kenya



Sary 3: Fampitahana ny fivoaran'ny voa voatily Madagasikara/Kenya



Sary 4: Fampitahana ny fivoaran'ny fitiliana Madagasikara/Kenya